

庫文閣		
函	冊	號
三	二	七
一	二	一
架	冊	類
三	二	七
一	二	一
架	冊	類

庫文閣内		
函	冊	號
三	二	七
五	二	一
函	冊	類
三	二	七
一	二	一
架	冊	類

内閣文庫		
番號	漢	3471
冊數	22 (13)
函號	315	96

山谷詞

全

十七本

山谷





A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





山谷詞目錄

淺草文庫

水調歌頭一首

畫卷

三首

虞美人三首

撥子

兩同心三首

憶帝京三首

水龍吟

滿庭芳五首

驀山溪四首

阮郎歸七首

定風波八首

浪淘沙

看花迴

惜餘權

撼庭竹

醉落魄五首

西江月五首

木蘭花令十一首

品令二首

雨中花

洞仙歌

念奴嬌

醉蓬萊二首

江城子二首

逍遙樂

離庭燕

歸田樂引二首

歸田樂令

望遠行

步蟾宮

古笛令四首

好女兒三首

踏莎行二首

採桑子八首

鵲橋仙二首

醜奴兒二首

菩薩蠻二首

鷓鴣天八首

少年心二首

減字木蘭花十二首

清平樂

點絳脣三首

謁金門

南鄉子六首

南歌子四首

更漏子二首

好事近三首

調笑

喝火令

留春令

宴桃源

雪花飛

下水船

賀聖朝

清玉案二首

沁園春

千秋歲二首

河傳

望江東

桃源憶故人

卜筭子

蝶戀花

漁家傲

浣溪沙四首

訴衷情四首

晝夜樂

一落索

促拍滿路花

山谷詞目錄終

豫章黃先生詞

黃庭堅曾直

前寧州知府婺源葉天爵

刊行

知州九谿喬遷訂補

水調歌頭

瑤草一何碧春入武陵溪溪上桃花無數枝上有黃鸝
我欲穿花尋路直入白雲深處浩氣展虹蜺祇恐花深
裏紅霧濕人衣坐玉石倚玉枕拂金徽謫仙何處無
人伴我白螺盃我為靈芝仙草不為絳唇丹臉長嘯亦
何為醉舞下山去明月逐人歸

又一

落日塞垣路風勁戛貂裘翩翩數騎閑微深入黑山頭
極目平沙千里唯見瑠弓白羽鐵面駁驂駟隱隱青
冢特地起閑愁漢天子方鼎盛四百州玉顏皓齒深
鎖三十六宮秋堂有經綸賢相邊有縱橫謀將不減翠
蛾羞戎虜和樂也聖主永無憂

畫堂春 年十六作

東風吹柳日初長雨餘芳草斜陽杏花零亂燕泥香睡
損紅粧寶篆煙銷龍鳳奩屏雲鎖瀟湘夜寒微透薄
羅裳無限思量

又

犀團小隱枕蠻江蛛絲閑鎖晴窗水風山影上修廊不
到晚來涼相伴蝶穿花徑獨飛鷗舞溪光不因送客

下繩床添火炷爐香

虞美人 至當塗呈可功

平生本愛江湖住鷗鷺無人處江南江北水雲連莫笑
醢雞歌舞甕中天當塗艤棹蒹葭外賴有賓朋在此身
無路入修門慚愧詩翁清些與招魂

又

波聲拍枕長淮曉缺月窺人小無情江水自東流只載
一舡離恨向西州竹陰花塢曾同醉酒味多於淚若教
金鑿在塵埃醞造一場煩惱送人來

又宜州見梅作

天涯也有江南信梅破知春近夜闌風細得香遲不道
曉來開遍向南枝玉臺弄粉花應妬飄到眉心住平生

箇裏願盃浮去國十年老盡少年心

揆棹子

歸去來歸去來携手舊山歸去來有人共對月罇罍
一琴甚處逍遙不自在 閑世界無利害何必向世間
甘幻愛與君釣晚煙寒瀨蒸白魚稻飯溪童供筍菜

兩同心

巧笑眉顰行步精神隱隱似朝雲行雨弓弓樣羅韉生
塵罇前見玉檻彫籠堪愛難親 自言家住天津生小
從人恐舞罷隨風飛去顧阿母教穿珠裙從今去唯願
銀缸莫照離罇

一笑下

自從官不容針直至

禽許多時靈利惺惺驀地日沉
而今你共人女邊著子爭知我門裏挑心記携手小院
回廊月影花陰

又

秋水遙岑粧淡情深儘道教心堅穿石更說甚官不容
針霎時間雨散雲歸無處追尋 小樓朱閣沉沉一笑
千金你共人女邊著子爭知我門裏挑心最難忘小院
回廊月影花陰

憶帝京

銀燭生花如紅豆占好事如今有人醉曲屏深借寶瑟
輕招手一陣白蘋風故滅燭教相就 花帶雨水肌香
透恨歸轆轤聲曉柳岸微涼吹殘酒斷腸人依舊鏡中

銷瘦恐那大知後鎮把你來傷慙

又贈彈琵琶妓

薄粧小靨閑清素抱着琵琶凝佇慢撚復輕龍切切如
私語轉撥割朱絃一段驚沙去 萬里嫁烏孫公主對
易水明妃不渡粉淚行行紅顏片片拍花落狂風雨
借問本師誰教撥當曾住

又黔州張倅生日

鳴鳩乳燕春閑暇化作綠陰槐夏壽筆舞紅裳睡鴨飄
香麝醉此洛陽人佐郡深儒雅 况坐上玉麟金馬更
莫問鶯老花謝萬里相依千金為壽未厭玉燭傳清夜
不醉欲言歸笑殺高陽社

水龍吟黔州曾伯達洪補生日

早秋明月新圓漢家戚里生飛將青驄寶勒綠沉金鎖
曾隨天仗種德江南宣威西夏參宮陪享况當年定計
昭陵與子勲勞在諸公上 千騎風流年少暫淹留莫
孤清賞平坡駐馬虛弦落鴈思臨虜帳遍舞摩圍遍歌
彭水拂雲驚浪看朱顏綠鬢封侯萬里寫凌煙像

滿庭芳

北苑龍團江南鷹爪 萬里名動京關碾深羅細瓊藥暝
生煙一種風流氣味如甘露不染塵凡纖纖捧水蕊瑩
玉金縷鷓鴣班 相如方病酒銀瓶蟹眼波怒濤翻為
扶起罇前醉玉顏山飲罷風生兩腋醒竟到明月輪邊
歸來晚文君未寢相對小窻前

又

北苑春風方玉圓壁萬里名動京關碎身粉骨功合上
凌煙罇俎風流戰勝降春睡開拓愁邊纖纖捧熬波濺
乳金縷鷓鴣班相如方病酒一觴一詠冥友群賢為
扶起罇前醉玉頰山搜攬胃中萬卷還傾動三峽詞源
歸來晚文君未寢相對小粧殘

又

明眼空青忘憂萱草翠玉閑淡梳粧小來歌舞長是倚
風光我已逍遙物外人寬道別有思量難忘處良辰美
景襟袖有餘香 此央頭白早多情易感紅蓼池塘又
須得罇前席上成雙 些子風流器過都說與明月空床
難拘管朝雲暮雨分付楚襄王

又

初縮雲鬟才勝羅綺便嫌柳巷花街占春才子容易託
行媒其柰風流債負煙花部不免差排劉郎恨桃花片
片流水惹塵埃 風流賢太守能寵翠羽宜醉金釵且
留取垂楊掩映廳堦在待朱幡去後從伊便窄襪弓鞋
知恩否朝雲暮雨還何夢中來

又

脩水濃青新條淡綠翠光交映虛亭錦鷺霜鷺荷徑拾
幽蘋香渡欄干屈曲紅粧映薄綺踈櫺風清夜橫塘月
浦水淨見移星 堪聽微雨過嬾姍藻荇瑣碎浮萍便
移轉胡床湘簟方屏練靄鱗雲旋滿聲不斷簷響風鈴
重開宴瑤池雪沁山露佛頭青

驀山溪

山園江暮天鏡開晴絮斜影過梨花照文星老人星聚
清樽一笑歡甚却成愁別時襟餘點點疑是高唐雨

又

無人知處夢裏雲歸路回鴈曉風清鴈不來啼鴉無數
心情老願充物解宜人春盡也有南風好便迴帆去

又贈衡陽妓陳湘

鴛鴦翡翠小小思珍偶眉黛斂秋波儘湖南山明水秀
伶俜懷懷恰近十三餘春未透花枝瘦政是愁時候

又

尋芳載酒肯落誰人後只恐晚歸來綠成陰青梅如豆
心期得處每日不隨人長亭柳老知否千里猶回首

又至宜州作寄贈陳湘

稠花亂葉到處接人醉林下有孤芳不忽忽成蹊桃李
今年風雨莫送斷腸紅斜枝倚風塵裏不帶塵風氣
微噴天喜約略知春味江上一帆愁夢猶尋歌梁舞地
如今對酒不似那回時書設寫夢來空只有相思是

又

山明水秀盡屬詩人道應是五陵兒見衰翁孤吟絕倒
一觴一詠瀟洒寄高閣松月下竹風間試想為襟抱

玉關遙指萬里天衢香筆陣掃秋風瀉珠璣琅琅皎皎

臥龍智略三詔佐昇平煙塞事玉堂心頗把菱花照

阮郎歸曾真以既既陳湘歌舞便出其類學書亦進來求小楷作阮郎歸詞什之也

盈盈嬌女似羅敷湘江明珠起來縮鬢又重梳弄粧

仍學書歌調態舞工夫湖南都不如它年未厭白髭

鬢同舟歸五湖

又效福唐獨木橋体作茶詞

烹茶留客駐彫鞍有人愁遠山別即容易見即難月斜
窗外山歸去後憶前懽書屏金博山一盃春露莫留
殘與郎扶玉山

又茶詞

歌停檀板舞停鸞高陽飲興闌獸煙噴盡玉壺乾香分
小鳳團雪浪淺露花圓捧甌春筍寒絳紗籠下躍金
鞍歸時人倚欄

又茶詞

摘山初製小龍團色和香味全碾聲初斷夜將闌烹時
銷滯思解塵煩金研雪浪翻只愁啜罷水流

天餘清攪夜眠

又

黔中桃李可尋芳摘茶人自忙月團犀胯闊圓方研膏
入焙香青箬畏絳紗囊品高聞外江酒闌傳盃舞紅
裳都濡春味長都濡地名

又

退紅衫子亂蜂兒衣寬只為伊為伊去得忒多時教人
直是疑長睡晚理粧遲愁多懶畫眉夜來筭得有歸
期燈花則甚知

又

貧家春到也騷騷瓊漿注小槽老夫不出長蓬蒿隣墻
聞碧桃木芍藥品題高一枝煩剪刀傳盃猶似少年

豪醉紅侵雪毛

定風波 次高左藏使君韻

萬里黔中一瀟天屋居終日似乘船及至重陽天也霽
催醉鬼門關近蜀江前莫笑老翁猶氣岸君看幾人
白髮上華顛戲馬臺前追兩謝馳射風情猶拍古人肩

又

把酒花前欲問溪問溪何事晚聲悲名利往來人盡老
誰道溪聲今古有休時且共玉人斟玉醕休訴笙歌
一曲黛眉低情似長溪長不斷君看水聲東去月輪西

又

小院難圖雲雨期幽懽渾待賞花時到得春來君却去
相誤不須言語淚雙垂密約罇前難滿付偷顧手搓

金橘斂雙眉庭樹清風明月媚須記歸時莫待杏花飛

又次高左藏韻

自斷此生休問天白頭波上泛膠船老去文章無氣味
憔悴不堪驅使菊花前聞道使君携將吏高會參軍
吹帽晚風顛千騎插花秋色暮歸去翠娥扶入醉時有

又

晚歲鹽州聞荔枝赤英垂墜壓欄枝萬里來逢芳意歇
愁絕滿盤空憶去年時澗草山花光照座春過等閑
枯李又纍纍辜負寒泉浸紅皺銷瘦有人花病損香肌

又

准擬堦前摘荔枝今年歇盡去年枝莫是春光厮料理
無比譬如瘵瘵有休時碧甃朱欄情不淺何晚來年

枝上報纍纍雨後園林坐清影蘇醒紅裳剝盡看香肌

又

上客休辭酒淺深素兒歌裏細聽沉粉面不須歌扇掩

閑靜一聲一字總關心花外黃鸝能密語休訴有花

能得幾時對畫作遠山臨碧水明媚夢為胡蝶去登臨

又客有兩新鬟善歌者請作送泐曲因戲前二

物

歌舞闌珊退晚粧主人情重更留湯冠帽斜歌辭醉去

邀定玉人纖手自磨香又得樽前聊笑語如許短歌

宜舞小紅裳寶馬一云醉裏還家明亦未從歸朱戶閑人睡夜來

應恨月侵床

浪淘沙荔枝

憶昔謫巴蠻荔子親攀冰肌照映拓枝冠日擘輕紅三

百顆一味其寒

重入鬼門關也似人間一雙和葉挿雲鬟願得清湘燕

玉面同倚欄干

看花迴茶詞

夜永蘭堂醺飲半倚頽玉爛漫墜鈿墮履是醉時風景

花暗燭殘權意未闌舞燕歌珠成斷續催茗飲旋煮寒

泉露井餅竇響飛瀑纖指緩連環動觸漸泛起滿甌

銀粟香引春風在手似粵嶺閩溪初采盈掬暗想當時

探春連雲尋篁竹怎歸得鬢將老付與盃中綠

惜餘權茶詞

四時美景正年少賞心頻啓東閣芳酒載盈車喜朋侶

簪合盃觴交飛勸酬獻正酣飲醉主公陳榻坐來爭柰
玉山未頽與尋巫峽歌闌旋燒絳蠟况漏轉銅壺煙
斷香鴨猶整醉中花借纖手重插相將扶上金鞍驟裏
碾春焙願少延懽洽未須歸去尋艷歌更留時霎

撼庭竹
宰太和日吉
州外作

嗚咽南樓吹落梅聞鴉樹驚飛夢中相見不多時隔城
今夜也應知一作人坐火水空碧山月影沈西買箇
宅兒住着伊剛不肯相隨如今却被天嗔你永落鷄群
受雞欺空恁惡冷伊風日損花枝

醉落冕舊有醉醒醒醉曲云醉醒醒醉一醉憑君
會取皆滋味濃斟琥珀香芬醞一醉憑君
腸便有陽春意須將幕席為天也歌前起舞
花前睡從它兀兀陶陶裏猶勝醒醒惹得
不堪入律或傳是東坡語非也與濁角虛名下癡條

之曲相似疑是王仲父作因戲作二篇呈
吳元祥黃中行似能厭道二公意下事

陶陶兀兀罇前是我華胥國爭名爭利休休莫雪月風

花不醉怎歸得却一枕誰憂樂新詩新事因閑適

東山小妓携絲竹家裏樂天村裏謝安石石曼卿目繡
云村裏黃嘲

綽家
白侍郎

又

陶陶兀兀人生無累何由得盃中三萬六千日悶損旁

觀我但醉落托扶頭不起還頽玉日高春睡平生足

誰門可款新芻熟安樂春泉玉醴荔支綠親賢宅
四酒名

又老天止酒十五年矣到戎州恐惟瘴癘所侵

故辰舉一盃不相察者乃強見酌遂能作病

因復止酒用前韻作二篇呈吳元祥

陶陶兀兀人，生夢裏槐安國。教公休醉，公但莫盡倒垂蓮。一笑是贏得。街頭酒賤，民聲樂舞，掃處逢勸。適醉看簷雨，森銀燭。我欲憂民，渠有二千石。

又

陶陶兀兀醉，鄉路遠歸不得。心情那似當年日，割愛金荷一盃淡。不插異鄉新桂，炊香玉摩挲。經筵須知是明年。小麦能秋熟，不管經霜點。盡髮邊綠。

又

蒼顏華髮故鄉歸，路無因得。舊交新貴，音書絕。唯有家。人猶作，慇懃別。離亭欲去，歌聲咽。瀟瀟細雨涼生頰。淚珠不用羅巾裛。彈在羅衣圖得見。時說西江月。老夫既戒酒，不飲遇宴集。獨醒其傍。

西江月

老夫既戒酒，不飲遇宴集。獨醒其傍。

坐客欲得小詞，援筆為賦

斷送一生，唯有破除萬事。無過遠山微影，蘸橫波不飲。傍人笑我，花病等閑瘦。惡春來，沒箇遮闌，盃行到手。莫留殘不道，月明人散。

又 奔詞

龍焙頭綱，春早谷簾第一。泉香已醺，浮蟻嫩。鵝黃想見翻匙雪浪。兔褐金絲，寶盃松風蟹眼，新湯無因更發。次公狂，甘露來從仙掌。

又崇寧甲申，遇惠洪上人於湘中，洪作長短句。

見贈云：大廈吞風吐月，小舟坐水眠空。霧窗春色翠如蔥。睡起雲濤正擁。往事回頭笑處，此生彈指聲中。玉牋佳句敏驚鴻。聞道衡陽。

山行言
價重次韻酬之時余方謫宜陽而洪歸分寧
龍安

月側金盆墮水鴈回醉墨書空君詩秀色雨園葱想見
衲衣寒擁 蟻穴夢魂人世楊花蹤跡風中莫將社燕
等秋鴻處春處山翠重

又

別夢已隨流水淚巾猶裛香泉相如依舊是癯仙人在
瑤臺闌苑 花霧縈風縹緲歌珠滴水清圓娥眉新作
十分妍去馬歸來便面

又

宋玉短牆東畔桃源落日西斜濃粧下著綉簾遮鼓笛
日半 夜轉 驚翻長袖低徊細踏紅靴舞餘猶顫滿

頭花嬌學男兒拜謝

木蘭花令

功甫

當塗解印後一日郡中置酒呈郭

凌歊臺上青青麥姑熟堂前餘翰墨暫分一印管江山
稍為諸公分皂白江山依舊雲空碧昨日主人今日客
誰分賓主強惺惺問取磯頭新婦石

又竄易前詞

翰林本是神仙謫落帽風流傾座席坐中還有賞音人
能岸烏沙頰大白江山依舊雲橫碧昨日主人今日客
誰分賓主強惺惺問取磯頭新婦石

又次前韻再呈功甫

青壘乃似壺中謫萬象光輝森宴席紅塵鬧處便休休

不是箇中無皂白歌煩舞倦朱成碧春草池塘凌謝客
共君商略老生涯歸種玉田秧白石

又庾元鎮四十兄庭堅四十年翰墨故人庭堅

假守當塗元鎮窮不出入州縣席上作樂府

長句勸酒

庾郎三九常安樂使有萬錢無處著徐熙小鴨水邊花
明月清風都占却朱顏老盡心如昨萬事休休莫鑿
前兒在不饒入歐舞梅歌君更酌歐梅當時二妓也

又用前韻贈郭功甫

少年得意從軍樂晚歲天教閑處著功名富貴又寒灰
翰墨文章新諱却是非不用分今昨雲月孤高公也莫
喜歡為地醉為鄉飲客不來但自酌

風開冰面一暖入心扉點透乍看晴日弄柔條

憶得章臺人姓柳心情老大癡成就不復淋漓沾翠袖
早梅獻笑尚窺鄰小窰蕪香如遺壽

又

東君未試雷霆手洒雪開春春鎖透帝臺應點萬年枝
窮巷徧欺三徑柳峯排群玉森相就中有摩圍為領袖
凝香窓下與誰看一曲琵琶千萬壽

又

新年何許春光漏小院開門風日透酥花入座頗欺梅
雪絮因風全是柳使君落筆春詞就應喚歌檀催舞袖
得開眉處且開眉人世可能金石壽

又
黃金捍撥春風手，
燕幕重重音韻透。
梅花破夢便春回，
似有黃鸝鳴翠柳。
曉粧未愜，
梅添就玉笋，
捧盃離細袖。
會拚千日笑，
樽前它日相思空損壽。

又
黔中士女遊晴畫，
花信輕寒羅綺透。
爭尋穿石道宜男，
更買江魚變貫柳。
竹枝歌好，
移舡就依倚，
風光垂翠袖。
滿傾蘆酒拍摩圍，
相守與郎如許壽。

又
可憐翡翠隨鷄走，
學館雙飛燕年久。
小見來行待惡，
憐伊心住嬌癡空解笑。
紅紫燕飛，
未楊柳舞腰，
風娟娟空似梳。

品令
敗葉霜天曉，
漸鼓吹催行棹。
燕燕桃李未開，
便解銀章歸去取。
麒麟圖畫要及年小。
勸君醉倒，
別語怎醒時。
道楚山千里暮雲鎖，
纔入懷抱。
記取江州司馬座中，
最老。

又
又茶詞
鳳舞團團餅恨分，
破教孤令金渠體淨。
隻輪慢碾玉塵光，
瑩湯響松風早減了。
二分酒病，
味濃香永，
醉鄉路成佳境。
恰如灯下故人萬里歸來，
對影口不能言，
心下快活自省。

雨中花送彭文思使君
政樂中和夷夏宴，
喜官梅乍傳消息。
待新年歡計，
難送

春色桃李成陰甘棠少訟又移旌戟念畫樓朱閣風流
高會頓冷談席西州縱有舞裙歌板誰共茗邀棋敵
歸來未得先露離袖管絃催滴樂事賞心易散良辰美
景難得會須醉倒玉山扶起更傾春碧

洞仙歌 瀘守王補之生日

月中丹桂自風霜難老閱盡人間盛衰草望中秋才有
幾日十分圓霾風雨雲表常如永晝不得文章力白
首防秋誰念雲中上功守正注意得人雄靜掃河西應
難拍五湖歸棹問持節幾時來看再第第名印窠
如斗

念奴嬌

念奴嬌 八月十七日同諸生步自永安城樓
待月偶有石酒因

客有 立善吹笛接筆作樂府長短句

文不加

浙虹霽雨淨秋空山 永修眉新綠桂影扶疎誰便道今
夕清輝不足萬里青 一常娥何處駕此一輪玉寒光零
亂為誰偏照醺涼 生 少隨我追涼晚尋幽徑遠張園
森木醉倒金荷家萬里 難得罇前相屬老子平生江南
江北最愛臨風笛孫郎 微笑坐來聲噴霜竹

醉蓬萊

對朝雲鬢隸暮雨霏微翠 相倚巫峽高唐鎖楚宮佳
麗画戟移春韻粧迎馬向 川都會萬里投荒一身吊
影成何歡意 盡道黔南 大尺五望極神州萬里煙
水筠酒公堂有中朝佳士 紅深麝臍香滿醉舞裊

山谷詩
歌袂杜宇催人聲聲到曉不如歸是

又竄易前詞

對朝雲變豔暮雨霏微翠峯相倚巫峽高唐鎖楚宮佳
僊蕪水先門半空霜戟自一川都會虜酒千盃夷歌百
轉迫人垂淚人道黔南去六尺五望極神京萬種煙
水懸楊相迎有風流千騎荔枝紅深麝臍香滿醉舞綢
歌袂杜宇催人聲聲到曉不如歸是

江城子

畫堂高會酒闌珊倚欄干霎時別千里關山常限是伊
難及至而今相見了依舊似隔山情人信若問平
安省愁眉淚休彈天損眼兒不
葉子寄與揮雲鬢

又

新來曾被眼奚搐不甘伏怎拘束似夢還真煩亂損心
曲見面暫時還不見看不足惜不足不成歡笑不成
哭戲人目遠山蹙有分看伊無分共伊宿一貫一文曉
十貫千不足萬不足

逍遙樂

春意漸歸芳草故國佳人千里信沉音杳雨閨煙光晚
景澄明極日危欄斜照夢當年少對罇前上客鄒枚小
葉燕趙共舞雪歌塵醉裏談笑花色枝枝爭好鬢絲
年年漸老如今遇風景空瘦損何誰迫東君幸賜與天
幕翠遮紅遠休休醉鄉岐路華胥蓬島

離亭燕 次韻答黎功略見寄

山谷詞

十載樽前談笑天祿故人年少可是陸沉英俊地看即
鎖窗批詔此處忽相逢潦倒禿翁同調西顧郎官湖
渺事看庾樓人小短艇絕江空悵望可得詩來高妙夢
去倚君傍胡蝶歸來清曉

歸田樂引

暮雨濛濛砌漏漸移轉添寂寞點點心如碎怨你又戀
你恨你惜你畢竟教人怎生是前歡筭未已柰向如
今愁無計為伊聰俊銷得人憔悴這裏請睡裏一作夢
夢裏心裏一何無言但垂淚

又

對景還銷瘦被箇人把人調戲我也心兒有憶我又喚
我見我嗔我天甚教人怎生受看承幸厮勾又是罇

前首峯皺是人驚怪索我一前新了又捨了定是這
回休了及至相逢又依舊

歸田樂令

引調得甚近日心腸不戀家寧寧地思量他思量他兩
情各自肯甚忙咱意思裏莫是賺人吵噉奴真箇得共
人得

望遠行

勾尉有所聊為太守所猜兼此生育

所愛住馬湖馬湖出丁香核荔支常以遺生
故戲及之

自見來虛過却好時好日這池承粘膩得處煞是律據
眼前言定也有十分七八寬我無心除告佛管人閑
底且放我快活得便索萱別茶祇待又怎不遇偎花映

月且與一班半點只怕你及丁香核

步蟾宮

盡兒真箇惡靈利惱得道人眼起醉歸來恰似出桃源
但目斷落花流水不如隨我歸雲際共作箇住山
活計照清溪自粉面掉山花算終勝風塵滋味

鼓笛令 戲詠打搨

酒闌命友閑為戲打搨兒非常愜意各自輸贏只賭是
賞罰采分明須記小五出來無事却跋翻和九底若要
十一花下死管十三不如十二

又

寶犀未解心先透惱殺人遠山微皺意淡言疎情寂
主散

翠金籠思你偶忽拚與山鷄併儂

又

見來兩箇寧寧地眼厮打過如拳踢恰得嘗些香甜底
苦殺人遭誰調戲臘月望川坡上也凍着你影粧村鬼
你但那些一處睡燒沙糖管好滋味

又

見來便覺情於我厮守着新來好過人道他家有婆婆
與一口管教象磨副靖傳語木大鼓兒裏且打一和更
有些兒得處囉燒沙糖香藥添和

好女兒 張寬夫園賞梅

小院一枝梅衝破一毡寒開偶到張園遊戲沾袖帶香回
玉酒覆銀盃盡醉去猶待重來東鄰何事驚吹怨曲

雪片成堆

作曲一

又

春去幾時還問桃
木子無言燕子歸
樓風勁梨雪亂西園
唯有月嬋娟似
人人難近如天願
教清影常相見更
乞取團圓

又

粉淚一行行啼破
曉來粧懶擊酥
曾羅帶羞見綉鴛鴦
擬待不思量怎
奈何月下恹惶假
饒來後教人見了
却去何妨

踏莎行

畫鼓催春
蠻歌走餉
火前一焙爭春
長低枝摘盡
到高
株高株別是
聞溪山
碾破春風香
疑午帳銀瓶
雪衣

翻匙浪今霄無

江上

又

臨水夫挑倚
牆繁李長楊
風掉青驄尾
樽中有酒且酬
春更尋何處
無愁地
明日重來
落花如綺
芭蕉漸展
山公啓欲將
心事寄天公
教人長壽
花前醉

採桑子

送彭道微使君
移知永康軍

荔枝灘上留
千騎桃李陰
繁宴寢香殘
畫戟森森鎮
八
蠻永康又得
風流守管領
江山少訟多
閑烟靄樓臺
舞翠環

又

虛堂蜜侯
參同火梨棗
枝繁深鎖三
閨不要樊姬
與小
蠻遙知風雨
更闌夜猶夢
巫山濃麗清
闌曉鏡新梳

十二瓊

又

投荒萬里無歸路
雪點鬢繁度界門
閑已拚兒童作楚
蠻黃雲苦竹啼
歸去繞荔枝山
蓬戶身閑歌板
誰家教小瓊

又

馬湖來舞釵初賜
笄鼓聲繁賢將
開闕威竦西山
公詔蠻南溪地
逐名賢重深鎖
群山燕喜八閑
一斛明珠兩小瓊

又戲贈黃中行

宗盟有技能歌舞
宜醉罇壘待約
新醅車上危坡
盡要推西鄰三
弄爭秋月邀勒
春回箇裏聲催
欵樹枝頭

花也開

又

夜來酒醒清無
夢愁倚闌干
露滴輕寒兩行
芙蓉淚不乾
佳人別後音塵
悄銷瘦難拚
明月無端已過
江樓十二間

又

櫻挑着子如紅
豆不管春歸
聞道開時峯惹
香鬢蝶惹衣樓
臺燈火明珠翠
酒戀歌迷醉玉
東西少箇人人
煖被携

又

城南城北看桃
李依倚年華
楊柳藏鴉又是
無言颭落花
春風一面長含
笑偷顧羞遮
分付誰家把酒
花前

試問他

鵲橋仙

次東坡七夕韻

八年不見清都絳闕望銀漢溶溶樣樣作銀河年年牛文

恨風波算此事人間天上野麋豐草江鷗遠水老天

唯便踈放百錢端往問君平早晚具歸田小舫

又席上賦七夕

朱樓彩舫浮瓜沉李報春風有幾一年罇酒暫時同

別淚作人間曉雨鴛鴦機綜能令儂巧也待乘槎仙去

若逢海上白頭翁共一訪癡牛驢文

醜奴兒

得意許多時長醉賞月下花枝紅粉風忌雨年年有金籠

鎖定鴛鴦燕友不被鷄欺紅粉轉逐迤海無計千里

追隨再來重縮瀘南印而今日下恹惶怎向日來春遲

又

濟楚好得些憔悴揜都是因它那回得句閑言語傍人

盡道你管又還鬼那人吵得過口兒嘛直勾得風了

自家是卽好意也毒害你還緝殺人了怎生申報孩兒

菩薩蠻 王荆公新築草堂於半山引入功德

水作卜港其上壘石作橋為集句云教間茅

屋閑臨水窄衫短帽垂揚裏花是去年紅吹

開一夜風梢梢新月偃干醉醒來晚何物最

閑情黃鸝三兩聲戲効荆公作

半烟半雨溪橋畔漁翁醉着無人喚踈懶意何長春風

花草香 江山如有待此意陶潛解問我去何之君行

到自知

又淹泊平山堂寒食節固陵錄事參軍表弟周元固惠酒為作此

細腰宮外清明雨雲陽臺上烟如縷雲雨暗巫山流水殊未還阿誰知此意解遣雙壺至不是白頭新周郎舊可人

鷓鴣天 表弟李如篋云玄真子漁父語以鷓鴣

天歌之極入律但少數句耳因以玄真子遺事足之憲宗時畫玄真子像訪之江湖不可得因令集其歌詩上之玄真之兄松齡懼玄真放浪而不返也和答其漁父云樂在風波釣是閑草堂松桂已勝攀大湖水洞庭山

狂風浪起且還此余續成之意也

西塞山邊白鳥飛桃花流水鱖魚肥朝廷尚覓玄真子何處如今更有詩青鷺笠綠蓑衣斜風細雨不須歸人間底事風波險一日風波十二時

又重九日集句

塞鴈初來秋影寒霜林風過葉聲乾龍山落帽千年事我對西風猶整冠蘭委佩菊堪冷人情時事半悲歡但將醕酏酬佳節更把茱萸子細看

又坐中有眉山隱客史應之和前韻即席答之黃菊枝頭生曉寒人生莫放酒盃乾風前橫笛斜吹雨醉裏簪花倒著冠身健在且加飡舞裙歌板盡情懽黃花白髮相牽挽付與傍人冷眼看

又明日獨酌自嘲呈史應之

萬事令人心骨寒故人墳上土新乾
淫坊酒肆閑居士李下何妨也整冠
金作鼎玉為餗志來亦失少時權策
莫菊盡年年事十日還將九日看

又

紫菊黃花風露寒平沙戲馬雨聲乾
且看欲盡花經眼依說彈冠與整冠
甘酒病廢朝冷何人得似醉中懽
十年一覺揚州夢為報時人洗眼看

又

節去蜂愁蝶不知曉庭環繞折殘枝
自然今日人心別未必秋香一夜衰
無閑事一芳菊菊花酒挿滿頭歸
宜將醉下酬佳節不用登臨送落暉

又

聞說君家有翠蛾施朱施粉總嫌多
背人語處藏珠履覷得羞時整玉梭
拖遠袖壓橫波何時傳酒更傳歌
為君寫就黃庭了不要山陰道士鵝

又吉祥長老設長松湯為作有僧病
痴癩嘗死

金剛窟有人見者教服長松湯遂復
為完人湯泛冰甕一坐春長松林下
得靈根吉祥老子親拈出箇箇教成
百歲人燈焰焰酒醺醺壑源曾未破
醒魂與君更把長生益略為清歌駐
白雲

少年心

對景惹起愁悶染相思病成方寸是
阿誰先有意阿誰薄倖斗頓恁少喜
多嗔合下休傳音問你有我我無

你分似合歡桃核真堪人恨心兒裏有兩箇人人

又添字

心裏人人暫不見霎時難過天生你要憔悴我把心頭
從前鬼着手摩挲抖擻了百病銷磨見說那厮脾驚
熱大不成我便與折破待來時鬲上與厮噉則箇温存
着且教推磨

減字木蘭花 登巫山縣樓作

裴王夢裏草綠煙深何處是宋玉臺頭暮雨朝雲幾許
愁 飛花漫漫不管羈人腸欲斷春水茫茫要渡南陵
受斷腸

又距施州二十里張仲謀遣騎相迎因送所和
樂府來且約近郊相見復用前韻先往

史君那裏千騎塵中依約是拂我眉頭無處重尋度信
愁 山雲渺漫夾道旌旗聯復斷萬事茫茫分付澄波
與爛腸

又巫山縣追懷老杜

巫山古縣老杜淹留情始見撥悶題詩千古神交世不
知 雲陽臺下更值清明風雨夜知道愁辛果是當時
作賦人

又次韻趙文儀

詩翁才刃曾陷文場貔虎陣誰敢當况是焚舟決勝
來 三巴春杪客館夢回風雨曉曾次崢嶸欲共濤頭
赤甲平

又

蒼崖萬仞下有奔雷千百陳自古危哉誰遣西園擘麼
來音也音習猿啼雲抄破夢一聲巫峽曉苦喚愁生不是
西園作麼平

又

餘寒爭令雪共騰梅相照映昨夜東風已出耕牛勸歲
功陰陰暮暮近覺去天無幾尺休恨春遲桃李稍頭
次第知

又

終宵忘寐好事如何猶尚未子細沈吟珠泪盈盈濕袖
襟與君別也願在郎心莫暫捨記取盟言聞早回程
却再圓

又丙子仲秋奉陪黔陽曹使君伯達詵月作減

字木蘭花兼簡施州張使君仲謀

中秋多雨常是瓊壘狼籍去今夜雲開須道姮娥得得
來不知雲外還有清光同此會笛在層樓聲徹摩圍
頂上頭

又

中秋無雨醉送月啣西嶺去笑口須開幾度中秋見月
來前年江外兒女傳盃兄弟會此夜登樓小謝清吟
慰白頭

又

濃陰驟雨巫峽有情來又去今夜天開不與姮娥作伴
來清光無外白髮老人心自會何處歌樓貪看冰輪
不轉頭

又丙子仲秋黔守席上客有舉岑嘉州中秋詩
曰今夜鄜州月閨中只獨看遙憐小兒女未
解憶長安因戲作

舉頭無語家在月明生處住擬上摩圖最上峯頭試望
之偏憐終秀苦淡同井誰更有想見牽衣月到愁邊
摠未知

又戲答

月中笑語萬里同依光景在天水相圖相見無因夢見
之諧兒娟秀儒學傳家渠自有自作秋衣漸老先寒
人未知

又用前韻示知命弟

常年夜兩頭白相依無去住兒女成團歡笑樽前月照
之阿連高秀之萬里來忠孝有豈謂無衣歲晚先寒
要弟知

清平樂

黃花當戶已覺秋容暮雲夢南州逢笑語心在歌邊舞
處使君一笑眉開新晴照酒樽來且樂樽前見在休
思走馬章臺

又

休推小戶看即風光暮莫糝菊英浮盃醕醕賢宅名報答
風光有處幾回笑口能開少年不肯重來借問牛山
繫馬今為誰姓池臺

又

舞鬟娟好白髮黃花帽醉任傍觀朝潦倒扶老偏宜年

小舞回臉玉曾酥纏頭一斛明珠日日梁州薄媚年
年金菊茱萸

又示知命

乍晴秋好黃菊款烏帽不見清淡入絕倒更憶添丁小
小蜀娘謾點花酥酒槽空滴真珠兄弟四人別住它
年同插茱萸

又

春歸何處寂寞無行路若有人知春去處喚取歸來同
住春無蹤跡誰知除非問取黃鸝百轉無人能解因
風次過薔薇

又

冰堂酒好只恨銀盃小新作金荷工獻巧圖要連臺拗

倒

唐龍湖中子母和

連臺拗

倒採運一曲清歌急檀

催卷金荷醉裏香飄

鴨更驚羅襪凌波

點絳脣

重九

日寄懷嗣直弟時用涪陵用東坡

余杭九日點絳脣舊韻二首

濁酒黃花畫簾十日無

秋燕夢中相見似作枯禪觀

鏡裏朱顏又減心情半

江山遠登高人健寄語東飛鴈

又

幾日無書舉頭欲問西來燕世情夢幻復作如斯觀
自歎人生分合常相半我雖遠念中相見不托魚和鴈

又

羅帶幾垂妙香長恁撈纖手半粧紅豆各自相思瘦
聞道伊家終日眉兒皺不能勾泪珠輕溜衰損採藍

袖

謁金門 示知人如弟

山又水行盡吳頭楚尾九第燈前家萬里相看如夢寐
君似成蹊桃李入我早堂松桂莫厭歲寒無氣味餘
生吾已矣

南鄉子 重九日涪陵作示知命弟

落帽晚風回又報黃花一番開扶杖老人心未老堪吟
謾有才情付與誰芳意正徘徊傳語西風且慢吹明日
餘罇還共酌重來未心秋香一夜衰

又今年重九知命弟已何處都感之復次前韻

招喚欲千回暫得罇前天口開山水千山遠
酒向黃花欲醉誰顧影且徘徊
風細雨吹見我

未衰容易去還來不道今年即漸衰

又

未報賈舡回三徑荒烟菊以開想得鄰舟野笛罷沾衣
不為涪翁更為誰風力嫋萸枝酒面紅鱗
插花和事老摧頽能人間耐盛衰

又

黃菊滿東籬與客携壺上翠微已是有花兼有酒
不用登臨上落暉滿酌不須辭莫待無花空折枝寂寞
酒醒人散後堪悲節去蜂愁蝶不知

又重陽日寄懷求康彭道微使君用東坡韻

臥稻雨餘收處處遊人簇遠洲白髮又換紅袖醉戎州
亂摘黃花插滿頭青眼想風流畫出西樓一懽秋却憶

去年歡意舞梁州塞鴈西來特地愁

又重陽日宣州城樓宴集即席作

諸將說封侯短笛長歌獨倚樓萬事盡隨風雨去休休
戲馬臺南金絡頭催酒莫遲留酒味今秋似去秋花向
老人頭上笑羞羞白髮簪花不解愁

南歌子

槐綠低窓暗榴紅照眼明玉人邀我少留行無柰一帆
烟雨畫舫輕柳葉隨歌皺梨花與淚傾別時不似見
時情今夜月明江上酒初醒

又

詩有淵明語歌無子夜聲論文思見老彌明坐想羅浮
山下羽衣輕何處黔中郡遙知隔晚晴雨餘風急斷虹
橫應夢池塘春草若為情

又東坡過楚州見淨慈法師作南歌子用其韻

贈郭詩翁二首

郭大曾名我劉翁復是誰入塵能作和羅維特地干戈
相待使人疑秋浦橫波眼春窻遠岫眉補陀巖畔夕
陽遲何似金沙灘上放憨時

又

萬里滄江月清波說向誰真門須更下金椎只恐風驚
草動又生疑金鴈斜粧頰青螺淺畫眉庖丁有底下
刀遲直要人牛無際是休時

更漏子 詠餘甘湯

菴摩勒西土果霜後明珠顆顆憑玉兔搗香塵稱為席

上珎 號餘甘無柰苦臨上馬時分付管回味却思量
忠言君但嘗

又

體妖嬈 姍姍玉甲銀篦照座危柱促曲聲殘王孫帶
笑看 休休休莫莫莫愁撥箇絲中索了了了玄玄玄
山僧無益禪

好事近

湯詞

歌罷酒闌時瀟洒座中風色主禮到君須盡柰賓朋南
北 暫時分散揔尋常難堪久離拆不似建溪春草解
留連佳客

又太平州小妓楊姝彈琴送酒

一弄醒心絃情在兩山斜疊彈到古人愁處有真珠承
睫 使君來去本無心休淚界紅頰自恨老來憎酒負
十分金葉

又

不見片時霎竟夢鎮相隨着因甚近新無據誤竊香深
約 思量模樣忆憎兒惡又怎生惡終待共伊相見與
佯佯奚落

調笑并詩補云

海上神仙字太真昭陽殿裏稱心人猶思一曲霓裳舞
散作中原胡馬塵方士歸來說風度梨花一枝春帶雨
分釵半鈿愁殺人上皇倚欄獨無語

詞

無語恨如許方士歸時腸斷處梨花一枝春帶雨半鈿

分釵親付天長地久相思苦渺渺鯨波無路

喝火令

見晚情如舊交疎分已深舞時歌處動人心煙水數年
竟夢無處可追尋昨夜燈前見重題漢上襟便愁雲雨
又難尋曉也星稀曉也月西沈曉也鴈行低度不會寄
芳音

留春令

江南一鴈橫秋水嘆咫尺斷行千里回紋機上字縱橫
欲寄遠憑誰是
謝客池塘春都未微微動短墻桃李半陰才暝却清寒
是瘦損人天氣

宴桃源

書趙伯充家小姬領巾

天氣把

人僞憇落知遲絲時侯茶餅可曾炊

一本云去歲迷藏花

柳恰恰

候心緒如今時鏡中贏得銷瘦生受生受更被養娘催

綉

雪花飛

携手青

雲路穩天聲迤邐傳呼袍笏恩章乍賜春滿皇

都

何處難忘酒瓊花照玉壺歸嫺絲梢競醉雪舞郊

衢

下水船

總領神

仙侶齊到青雲岐路丹禁風微咫尺諦聞天語

盡榮遇

看即如龍變化一擲靈梭風雨真遊處上苑

尋春去

芳草芊芊迎步幾曲笙歌櫻桃豔裏權聚瑤觴

舉回祝

堯齡萬萬端的君恩難負

賀聖朝

脫霜披
茜初登第名高得意櫻桃榮宴玉墀遊領群仙
行綴
佳人何事輕相戲道得之何濟君家聲譽古無
雙且均
平居二

青玉案 至宜州次韻上酬七元

煙中一
線來時路極目送歸鴻去第四陽關雲不度山

胡新轉
子規言語正在人愁處
憂能損性休朝暮憶

我當年
醉時句舊詩云我自只如常日渡水穿雲心已

許暮年
光景小軒南浦同捲西山雨

又寅庵解萍實宰作今附此

行人欲
上來時路破曉霧輕寒去隔葉子規聲暗度十

分酒滿
舞袖歌袖沾夜無尋處
故人近送旌旗暮但

聽陽關第三句欲
斷離腸餘
佳月看人憔悴

燭淚垂如雨

沁園春

把我身心為伊煩惱算天知恨一回
未能猥倚早覓東西鏡裏拈花水中捉月覩着無由得
近伊添憔悴鎮花銷翠減玉瘦香肌奴兒又有行期你
去即無妨我共誰何眼前常見心猶未足怎生禁得真
箇分離地角天涯我隨君去插并為盟無改移君須是
做些兒相度莫待臨時

千秋歲 少游得謫嘗夢中作詞云醉臥古藤

陰下了不知南死竟以元符庚辰死於藤州

光華亭上崇寧甲申癡墜窟宜州道過衡陽

覽其遺墨鮑和共千秋歲詞

苑邊花外記得同朝退飛騎嘶鳴珂碎齊歌雲繞扇趙
舞風回帶嚴鼓斷五盃依倚猶相對 洒淡誰能會醉
臥藤陰蓋人已去詞空 園高冥悄虎觀英遊改重
感槩波濤萬頃珠沈海

又

世間好事恰恁斷當對春衣未薄天氣 雨稀簾外高香
篆盤中字長入夢如今見也分明是 歡極嬌無力玉
軟花歌墜釵眉袖雲堆臂燈斜明妬簪 汗淡膏騰醉奴
奴睡奴奴睡也奴奴睡

河傳 有士大夫家歌來少游瘦殺人天不管

之曲以好字易便為戲為之作

心情老懶對秋對舞猶是 轉眸巧笑靚粧近我衰容
華鬢似扶着賣卜筭 思 好箇當年見催酒催更只
怕歸期短飲散燈稀背鎖 花深院好殺人天不管

望江東

江水西頭隔煙樹望不見江東路思量只有夢來去更
不怕江闌住 燈前寫了書無數筭沒箇人傳與直饒
尋得鴈分付又還是秋將暮

桃源憶故人

碧天露洗春容淨淡月曉收 殘暈花上密烟飄盡花底
鶯聲嫩 雲歸楚峽厭厭困 兩點遙山新恨和淚暗彈
紅粉生怕人來問

卜筭子

山谷詩
要見不得見要近不得近試問得君多少憐管不解多
於恨禁止不得淚忍管不得悶天上人間有底愁向
箇裏都請盡

蝶戀花

海角芳菲留不住筆下風生吹入青雲去仙籍有名天
賜與致君事業安排取要識世間平坦路當使人人
各有安身處黑髮便逢堯舜主笑人白首耕南畝

漁家傲

予嘗戲作詩云大葫蘆挈小葫蘆惱

亂檀那得便沽每到夜深人靜後小葫蘆入

大葫蘆又云大葫蘆蘆乾枯小葫蘆行沽一住

金僊宅一往黃公壚有此通大道無此令人

老不問惡與好兩葫蘆俱倒或請以此意倚

聲律作詞使人歌之為作漁家傲

踏破草鞋參到老等閑拾得衣中寶遇酒逢花湏一笑

重年少俗人不用嗔貧道是處青旌誇酒好醉鄉路

上多芳草提著葫蘆行未到風落帽葫蘆却纏葫蘆倒

又江寧江口阻風戲効寶寧勇禪師作古漁家

傲王環中云廬山中人頗欲得之試思索始

記四篇

萬水千山來此土本提心印傳梁武對朕者誰渾不顧

成死語江頭暗折長蘆渡一箇壁九年看二祖一花五

葉親分付隻履提歸葱嶺去君知否分明忘却來時路

又

三十年來無孔竅幾回得眼還迷照一見桃花參學了

呈法要無絃琴上單于調 摘葉尋枝 虛半老拈花特
地重年少今後水雲人欲曉非玄妙靈雲合破桃花笑

又

憶昔藥山生一虎華亭船上尋人渡散却夾山拈坐具
呈見處繫驢楸上合頭語 千尺垂絲君看取離釣
寸無生路鷲口一梳親子父猶回顧瞎驢喪我兒孫去

又

百丈峯頭開古鏡馬駒踏殺重蘇醒接得古靈心眼淨
光炯炯歸來藏在袈裟影 好箇佛堂佛不聖祖師沈
醉猶看鏡却與斬新提祖令方猛省無聲三昧天皇餅

浣溪沙

飛鵲臺前暈翠蛾千金釵 螺最難如意為情多

歌

幾處淚痕留袖一

愁思近橫波遠山低盡不成

又

一葉扁舟捲畫簾老妻學飲伴清談人傳詩句滿江南
林下猿垂窺滌硯巖前鹿臥看收帆杜鵑聲亂水如環

又張志和漁父云

西塞山邊白鳥飛桃花流水

鱖魚肥青箬笠 綠蓑衣斜風細雨不須歸
語妙絕恨今人 莫能歌者故增數語令以浣

溪沙歌之

西塞山邊白鳥飛散花洲 外片帆微桃花流水鱖魚肥
自庇一身青箬笠相隨到 處綠蓑衣斜風細雨不須歸

又

新婦磯頭眉黛愁
女兒浦青箬笠前
無限事綠蓑頭

口眼波秋驚魚錯認
月沈鈎衣底一時休
斜風細雨轉船

訴衷情

小桃灼灼柳鬢髮
春色滿醺酣山潑
黛水接藍翠典青衫

江南雨晴風暝烟
淡天氣正相攬歌樓
酒旆故故招人權

又在我州登臨勝

景未嘗不歌漁父家風
以謝先生家風如何為
擬金華道

人作此章

一波纔動萬波隨
蓑笠一鈎絲金鱗
政在深處千尺也

須垂吞又吐信還疑
上鉤遲水寒江淨
滿目青山載月明歸

又

旋揷玉指著紅靴
宛宛鬪彎訛天
自有殊態供愁黛
不須多分遠岫壓
橫波妙難過自歌
枕處獨倚欄時不
柰顰何

又

珠簾綉幕卷輕霜
呵手試梅粧都
緣自有離恨故畫
簾遠山長思往事
惜流水恨難忘未
歌先斂欲笑還顰
最斷人腸

晝夜樂

夜深記得臨歧語
說花時歸來去
教人每日思量到
處

與誰分付其柰冤家無定據約雲朝又還兩暮將淚入
鴛衾摠不成行步 元來也解知一思慮一封書深相許
情知玉帳堪歡為向金門進取直符腰金拖紫後有夫
人縣君相與爭柰會分疎沒嫌伊一門路

一落索

誰道秋來烟景素枉遊人不顧一番時態一番新到得
意皆歡慕 紫萸黃菊繁華處對風庭月露愁來即便
去尋芳更作甚悲秋賦

促拍滿路花

往時有人書此詞於州東酒肆

壁間愛其詞不能歌也一十年前有醉道士
歌於廣陵市中群小兒隨歌得之乃知其為
促拍滿路花也俗子口傳加釀鄙語改其

好處山谷老人為錄舊文以告深於義味者

秋風吹渭水落葉滿長安黃塵車馬道獨清閑自然爐
鼎虎統與龍盤九轉丹砂就琴心三疊藥宮看舞胎仙
任萬釘寶帶貂蟬富貴欲薰天黃梁炊未熟夢驚殘是
非海裏直道作人難袖手江南去白蘋紅蓼又尋湓浦
廬山

